

中華書局 編

稀見明史
研究資料五種

5

中華書局



中華書局 編

稀見明史研究資料五種 ⑤

中華書局

第五冊目錄

大明宣宗皇帝御製集四十四卷存二十四卷(二)

卷三十五 七言律詩 三

卷三十六 七言律詩 三九

卷三十七 七言律詩 六七

卷三十八 七言律詩 八五

卷三十九 五言排律 一〇三

七言排律 一一一

卷四十 五言絕句 一一九

六言詩 一二六

卷四十一 七言絕句 一三三

卷四十二 七言絕句 一五九

卷四十三 七言絕句 一八一

卷四十四 樂府詞 二〇九

宋景濂先生未刻集不分卷

序(蔣超)		二二三
宋景濂未刻集目錄		二四七
頌		二五五
書		二九一
記		三〇五
序		三二九
碑銘		三四一
塔銘		四〇三
表辭		四二七
志		四三一
贊		四三五
跋		四五五
雜言		四七三
後序(陳國珍)		四八九

大明宣宗皇帝御製集四十四卷

存二十四卷（二）

〔明〕宣宗朱瞻基撰

明內府抄本

大明宣宗皇帝御製集卷第三十五

七言律詩

兩朝實錄成有感

恭惟

祖考承

天命朝覲謳歌會萬方赫赫功勲過殷夏明明道德繼虞唐
丕昭聖武乾坤正茂闡神文日月光今日已皆書琬琰

琰思瞻

龍馭却心傷

史館進

兩朝實錄有感 三首

重喜

先朝國史成不勝感慕在中情謀謨廣遠乾坤大功德光
華日月明赫赫萬年垂訓則悠悠四海荷昇平古來王
業博崇遠宵旰惟應勵景行

魏魏

祖考掄乾符禮樂昭宣古所無八表涵濡同雨露重華紹
績擬唐虞貽遺極荷

恩深厚繼述深慚質魯愚金匱臨文欣感集益增景仰在

清都

焚香兩轉三回讀武烈文謨重啓予。公論豈徒昭史筆。
神功直足配虞書。質文並尚真兼美。忠厚相傳信有餘。不
獨聲名施蠻貊。千秋萬歲仰隆譽。

賜史官宴

兩朝實錄史臣書。玉匣金繩秘府儲。

聖德神功皆可法。皇墳帝典未應殊。朝廷慶賜恩惟厚。翰
墨編摩力已劬。清旦芳筵勞春醴。載歌湛露共懽娛。

立春

曙色初分玉漏中。迎春喜出鳳城東。條風應候三陽泰。
律琯飛灰一氣通。瑞靄乾坤豐歲兆。歡騰朝野笑聲同。

辛盤綵燕酬嘉節。千載明良豈易逢。

東風習習肇青陽。鳳閣龍樓日漸長。太液波光微轉綠。
御堤柳色欲舒黃。泥牛送冷羣陰盡。綵燕宜春百事昌。
願體乾元施雨露。臣民總總樂時康。

序肇青陽斗建寅。熙熙萬物總精神。泥牛擊處寒威盡。
玉琯飛時淑氣新。雨後草芽將出土。風前柳眼欲窺人。
江山秀麗三陽泰。化日光天萬國春。

大祀

南郊

紫壇香處藹雲煙。赫赫神光玉几前。精白一心嚴對越。

駿奔百職效誠虔
韶鈞協奏風生殿
圭璧生輝月在天
仰荷

蒼穹昭景貺永隆

宗社萬斯年

慶成宴

金鑾殿上曉風清
秩秩筵開慶禮成
一念格

天膺景福羣臣享
胙洽歡情
簫韶樂奏來祥鳳
仙醴香飄
出玉罍
信是太平多惠澤
時和歲稔樂蒼生

大祀南郊禮告成
臣工拜舞慶昇平
殿廷俎豆如星布
文武衣冠照日明
光祿珍羞無福胙
教坊鼓吹奏新聲

從來治道資賢輔天保君臣萬古情

南郊祀事喜晴明文武衣冠曉慶成仙樂鏗鏘鳴玉陛
華筵陳設滿彤庭祥風瑞日融和景虎拜嵩呼祝頌聲
萬國同歡春浩浩天開黃道泰階平

新正

四首

承

天繼統御華夷喜值新年事物宜春滿乾坤隆泰運世興
禮樂濟明時九重宮闕祥雲絢萬里江山麗日遲資爾
羣臣匡化理普令四海樂雍熙

瑞日遲遲炫紫宸乾坤妙化轉鴻鈞香飄正殿東風軟

暖入金臺瑞氣新。四海衣冠朝正朔。九天雨露布仁恩。
履端有慶人同樂。永保皇圖萬萬春。

恭承大統際文明。淑氣俄看滿鳳城。玉帛會同朝萬國。
雨暘時若遂羣生。雪融御苑梅渾白。春入宮垣柳乍青。
明目達聰宣德政。十年景運慶昇平。

斗柄回寅歲序遷。時光物色總鮮妍。三陽開泰江山麗。
萬國朝元德化宣。寶殿葱葱騰瑞氣。金門藹藹裊祥煙。
太平有象人同樂。鞏固皇圖億萬年。

新春即事

四首

錦韉玉勒踏春行。天氣融和品物亨。嫩柳池塘新漲滿。

落梅庭院暖風輕。尋芳粉蝶初翻翅。出谷黃鶯尚澁聲。
九十韶光纔一二。無邊光景快吟情。

天開泰運肇三陽。一氣回春遍萬方。草色漸從煙際綠。
柳絲初試雨中黃。雪消蓬島羣峯秀。冰泮龍池一鑑光。
最是昇平多樂事。瓊筵滿泛紫霞觴。

春回宇宙歲華新。天地絪縕萬化醇。瑞日祥風開壽域。
萼灰律管應洪鈞。三農耒耜興東作。四海衣冠拱北辰。
上苑由來多勝景。柳枝花萼早含春。

喜遇三陽開泰時。乾坤萬彙總熙熙。黃鶯出谷聲猶澁。
粉蝶尋芳舞更遲。寶殿金門騰淑氣。龍樓鳳閣麗晴曦。

暢懷最喜韶光早。綵筆銀箋好賦詩。

御溝冰泮

御溝正月暖溶溶。初解清冰一道通。澌澌乘春紛躍鯉。
迢迢映日似流虹。西連瓊島微茫際。上接銀河縹緲中。
好向下方爲潤澤。即今四野漸興農。

平堤新柳

東風十日春猶淺。細柳垂絲拂地輕。幾樹嫩黃分馬色。
萬條新綠引鶯聲。隨風嫋嫋仍無力。臨水依依似有情。
歲歲陽和偏應早。東園桃李讓先榮。

黃鶯出谷

東風扇暖日初晴。金縷衣裳巧製成。出谷尚嫌春色早。
遷喬猶怯曉霜清。催花雨過渾無力。解凍風來漸有聲。
明日擬看宮樹上。清歌百轉雜鸞笙。

元宵

三首

天上重開不夜城。人間佳節近新正。黿峯萬疊排雲起。
火樹千枝賽月明。紫殿彤樓浮瑞氣。鳳笙龍管協歡聲。
太平無事民同樂。何必追遊到廣陵。

皓月當天夜正長。祥煙瑞靄汎晴光。九華燈裏開瓊宴。
萬歲宮中獻壽觴。玉燭四時歌叶順。瑤圖千載慶隆昌。
欲因風景同民樂。誰把繁華比上陽。